

ORDE do 15 de maio de 2023 pola que se establecen as bases reguladoras para a concesión, en réxime de concorrencia non competitiva, de subvencións para o Programa de modernización do comercio: Fondo Tecnolóxico, no marco do Plan de recuperación, transformación e resiliencia financiado pola Unión Europea NextGeneration EU, e se procede á súa convocatoria para o ano 2023. Vicepresidencia Primeira e Consellería de Economía, Industria e Innovación, DOG Nº 101, 30/05/2023

Obxecto e réxime das subvencións

1. As subvencións reguladas por estas bases teñen por obxecto o financiamento de proxectos de contido tecnolóxico, innovador e sustentable dirixidos a impulsar o emprego das novas tecnoloxías no sector comercial.

– Liña destinada a persoas autónomas e pequenas e medianas empresas comerciais

2. O procedemento de concesión destas subvencións tramitarase en réxime de concorrencia non competitiva e quedará suxeito ao **réxime de axudas de minimis**.

Consideraranse subvencionables as actuacións previstas no artigo 4 destas bases reguladoras sempre que sexan realizadas e efectivamente pagadas desde o **1 de xaneiro de 2023 ata o 29 de setembro de 2023**.

Persoas beneficiarias

1. Liña de axudas destinada a **persoas autónomas e pequenas e medianas empresas comerciais**.

As persoas físicas ou xurídicas, comunidades de bens ou calquera outro tipo de unidade económica ou patrimonio separado sen personalidade xurídica, legalmente constituídas, que cumpran os seguintes requisitos:

a) Que o establecemento comercial para o cal se solicita a axuda teña carácter físico e permanente e estea situado na Comunidade Autónoma de Galicia.

b) Que teña a condición de peme.

c) Que a actividade principal do negocio se corresponda con algunha das actividades **incluídas nos códigos 46 ou 47 da Clasificación nacional de actividades económicas 2009 (CNAE-2009)** aprobada polo Real decreto 475/2007, do 13 de abril, polo que se aproba a Clasificación nacional de actividades económicas 2009 (CNAE-2009).

En todo caso, requirirase que a actividade principal estea dada de alta nalgunha epígrafe do imposto de actividades económicas que se corresponda coas actividades incluídas nos CNAE 46 ou 47, agás as epígrafes 616, 654 e 655 así como calquera outra actividade económica que non se considere subvencionable de acordo co disposto nestas bases reguladoras.

Actuacións subvencionables

1. Consideraranse actuacións subvencionables a implantación e posta en marcha de:

1.1. Liña de axudas destinada a persoas autónomas e pequenas e medianas empresas comerciais.

1.1.1. Programa smart retail dirixido á transformación dixital do punto de venda e modelo de negocio, a través das seguintes actuacións:

- a) Software de xestión de experiencia da clientela (aplicacións big data e análise de datos).
- b) Etiquetado electrónico para lineais de venda.
- c) Tecnoloxía de control stocks e tecnoloxía RFID.
- d) Xestor de colas automatizado.
- e) Sistemas de click and collect e locker dixitais.
- f) Probadores interactivos.
- g) Software para a xestión loxística do e-commerce.
- h) Solucións de ciberseguridade
- i) Asistentes virtuais e sistemas dixitais interactivos (chatbots).
- j) Aplicacións para dispositivos móbiles (m-commerce).
- k) Terminais de autopagamento para a clientela.

1.1.2. Programa visual merchandising dirixido á mellora da experiencia de compra, a través das seguintes actuacións:

- a) Escaparates virtuais con ou sen interacción coa clientela.
- b) Estantes virtuais.
- c) Pantallas e mesas interactivas.
- d) Tótems publicitarios.
- e) Encerados dixitais.
- f) Aplicacións de realidade virtual e aumentada.

1.1.3. Programa Green Store dirixido á mellora da eficiencia enerxética do local e dos recursos, a través das seguintes actuacións:

- a) Portas automáticas con sensores de proximidade que redunden nunha mellora da eficiencia enerxética no ámbito térmico do local.
- b) Sistemas de iluminación enerxeticamente eficientes e sensores de presenza para a regulación automática de luces que melloren e optimicen o consumo de enerxía eléctrica.
- c) Sistemas de climatización enerxeticamente eficientes.

1. Liña de axudas destinada a asociacións de comerciantes.

- a) Mupis dixitais, interactivos ou non, de sinalización e promoción das áreas comerciais en espazos públicos.
- b) Ferramentas dixitais colaborativas entre os asociados.
- c) Sistemas de click and collect e lockers dixitais.
- d) Redes wifi nas áreas comerciais.

e) Redución de insumos por parte dos comercios e das persoas consumidoras nos establecementos mediante a implantación de alternativas respectuosas co ambiente.

f) Elaboración e posta en marcha de procesos ecoeficientes para a correcta separación dos residuos e a súa posterior reciclaxe e valoración que inclúan a participación de todos os asociados. Consideraranse subvencionables os gastos relativos á adquisición de elementos para o correcto reciclaxe dos residuos.

g) Proxectos de aplicación de solucións tecnolóxicas conxuntas para mellorar a eficiencia no consumo enerxético que inclúan a participación de todos os asociados

2. Investimentos máximos subvencionables (IVE excluído):

2.1. Liña de axudas destinada a persoas autónomas e pequenas e medianas empresas comerciais.

Persoas beneficiarias	Investimento máximo subvencionable
Persoas autónomas e pemes de 0 a 10 persoas traballadoras	50.000,00 €
Persoas autónomas e pemes de 11 a 50 persoas traballadoras	100.000,00 €
Persoas autónomas e pemes de 51 a 250 persoas traballadoras	200.000,00 €

3. Investimento mínimo subvencionable (IVE excluído):

O investimento mínimo que se debe realizar para que o proxecto se considere subvencionable **ascende a 2.000,00 € (IVE excluído)**.

4. Intensidade da axuda:

A **porcentaxe da subvención será do 90 %** dos investimentos máximos subvencionables establecidos neste artigo.

Prazo solicitude

O prazo de presentación de solicitudes **remata o 30 de xuño de 2023**